

中國方志叢書·華中地方·第九五四號

據

清·陳汝禎等修，匡汝諧等纂
清同治十二年刊本

影印

江西省

廬陵縣志

(九)

成文出版社有限公司印行

廬陵縣志卷四十四

寓賢志

方伎附

古之高人傑士胸懷磊落每有奇氣雖窮荒絕島不憚經涉然足跡所至直如鴻爪雪泥而後之人往往低徊留連於其地以爲此某氏萍寓也此某氏僑寓也廬陵爲江右望縣勝蹟所遺名賢爭託故或凜先幾之哲或作乘輿之遊或爲擇木之鳥或同走險之鹿慷慨悲歌以寄其志寂寥落寞以晦其踪所處固不必一致要以人重而已而一技一能小道可觀亦足以供采擇焉志寓賢

寓賢

吳

劉惔字子仁

原人遭亂避九客遊廬陵事孫輔以明天官達占

數顯於南土每有水旱寇賊皆先時處期無不中者輔吳焉以爲軍師軍中咸敬事之號曰神明建安中孫權在豫章時有星變以問惓惓曰災在丹陽權曰如何曰客勝主人到某日當得問是時邊鴻作亂卒如惓言惓於諸術皆善尤明太乙皆能推演其事窮盡要妙著書百餘篇名儒刀元稱奇惓寶其術不傳

三國
吳志

晉

郭璞字景純聞喜人博學工詞賦注爾雅山海經諸書兼通五行星象占筮地理所著葬經後世咸祖之咸康中遊廬陵太守孔倫築城建城隍廟皆璞定基址

參府志

唐

歐陽琮率更令詢之四世孫本湖南長沙人唐天寶間任吉州刺

史有惠政民愛戴如其私親唐末之亂刺史之後率眾捍賊賴

保全者千餘家邑人德之

據文忠譜圖序

滕倪苦心爲詩嘉聲早播遠之吉州謁宗人邁郎中吉守曰吾家
鮮士此弟則千里駒也每吟其詩曰白髮不知客相國也同閑
客滿頭生又題鷺鸞障子云映水有深意見人無懼心且曰魏
文酷陳思之學潘岳褒正叔之文貴集一家之芳安論宗從疎
達哉倪旣秋試捧笈告遊乃祖於大舉之閣

雲溪友議

吳志野其先汴州浚義人史臣競之後也朱溫篡唐志野義不食

梁粟南游於吳僑家廬陵務德隱曜

馬令南唐書

孫簡忠山東青州人領昭宗乾寧元年鄉薦累官至吉州刺史值

梁篡唐義不臣仕棄官家於城北螺岡

府志

南唐

其先世爲京兆人唐末翊父官番禺屬劉隱將據廣南棄官
北還至潭衡聞馬氏已有潭邊挈家奔江南過廬陵僦屋居焉
翊與弟惟彬善讀書克承先業徐知誥輔國政翊入廣陵以射
策中第授武騎尉南唐禪代擢虔州觀察判官西昌令假道還
廬陵里人榮之翊文辭婉麗禾山大舜二妃廟碑廬陵紫陽觀
碑新興佛閣碑文皆翊所撰

十國春秋

宋

程子顥字伯淳弟頤字正叔河南溫洛人慶厯中父珦尉廬陵元
弟從侍宦邸學邑人御史中丞彭思永遂以女字顥迨珦倅南
安軍濂溪周子爲司理兄弟因師事之每令尋孔顏樂處遂厭
科舉之習慨然有志求道比就婚彭氏與弟頤嘗講學雲岡書
屋郡中多沐其教邑人蕭楚後亦受業程氏之門傳其學以授

胡銓其後邑人遂建祠祀周程三先生廬陵講學之風實淵源

二程子云

豫章書府志參
宋史程子傳

蘇軾字子瞻號東坡眉山入紹聖元年甲戌貶赴惠州道過廬陵以廬陵曾安止作農譜因書秧馬歌與之後六年元符庚辰提舉玉局觀明年建中靖國辛巳北還春過吉州徧遊名勝時軾年已六十六矣永和市清都觀有道士謝子和老猶童顏自言丙子生與軾同歲求詩軾爲賦一首併作贊寫清都臺三字贈之今縣治南米市街有東坡井觀中有金錢池皆其遺跡劉凝然刻石清都作逍遙堂祀之軾所至停驂流連景物題詩志遊類此

府志跋云洪武初伍庠記東坡往來吉州境題詠年月甚核惟稱東坡過吉州時黃山谷宰西昌送之郡同遊清都觀則

非也攷山谷年譜及泰和志庭堅於元豐三年庚申授知泰和縣四年辛酉赴任五年壬戌六年癸亥皆在任七年甲子始移德州庭堅少東坡九歲在泰和數年始望四十東坡甫四十七歲距往返過泰和時凡十六七年而庭堅正在戎州安得猶任西昌送東坡之郡作遊乎一統志載有蘇黃臺通志仍之皆傳訛也茲核流寓盡削附會諸說改立斯傳舊按蘇黃先後年分舛謬其說不免附會駁之誠是但一統志所載蘇黃臺安知非山谷作宰泰和時曾游息於此後東坡過廬陵尋訪其登臨之處而一攬其勝後人因作臺以志其景仰或亦事之所有也似可不必盡行抹殺

呂祖儉字子約夷簡五世孫受業於兄祖謙如諸生監明州倉會祖謙卒請終其喪從之以薦召除籍田令甯宗卽位除太府丞

韓侂冑讐趙汝愚假正言李沐論罷之祭酒李祥博士楊簡皆上書訟汝愚沐皆劾罷之祖儉乃上封事謂祥等非有偏比蓋眾聽所共孚者今又斥逐臣恐天下有當言之事必將鉗口結舌豈國家之利疏上東擔待罪有旨呂祖儉朋比罔上安置韶州至廬陵將趨嶺得旨改移吉州

宋史

鄧珊號竹軒楊州人少精敏儁傑廉悍博覽羣書舉宋元祐中進士恩官諫議大夫志抒忠藎不事詭隨凡所見聞無不陳告以言事件旨落職謫授吉州教授嚴氣正性訓迪有方以孝友廉隅爲本而文藝次之年老罷官愛廬陵山水之勝遂卜居於坊廓鄉之藍溪子孫繁衍儒學相傳至今不替云

元

袁旭元進士初仕廬陵止兵全郡遷行省樞密院都事長子彥昭

精司總管官舍因家文塘塋青洲次子彥通徙居永新

舊按舊志僑寓袁旭之前有周天驥傳云元擢神童科仕吉安路總管兼府尹沒贈豫章郡公因家廬陵城內北隅舊有總管巷考宋題名錄通志及元史天驥登宋淳祐四年畱夢炎榜進士非元擢神童也歷官知吉州軍元將李恒由瑞臨攻吉虔天驥以城降仍故官稱總管者宋知州軍元總管制名不同而職任一也府志云旣爲職官安謂流寓且旣失臣職亦無足紀因從通志府志之例刪之而附著其說於此

姜慶祥重慶人以兄天祐官吉安路都稅使遂贅於廬陵廬兜王氏後家焉至正壬辰羣盜蜂起與校書郎解子元大安羅啟南率眾拒寇遇敵敢勇與子元力戰而死大守立忠義祠並祀之

盧景宣山東人隨父來南父歿於官寓居廬陵貧甚事母以孝聞嘗受學於蕭燹翁紅巾寇起燹翁參全子仁軍討賊至正戊戌城陷燹翁殉難郡學井中塋讀書臺下後十有五載發卒修城景宣客鎮帥歐氏請於歐物色燹翁墓捐歲俸改塋如禮

周震石

明

初集

劉濂字文原山東人元至正壬辰避亂因家廬陵洪武五年以賢良佐禮部主事代祀南海告疾歸事母至孝人咸重之

舊按劉濂府志列元代濂洪武時始入仕當列明初爲允又舊志濂傳後有顏真卿段成式二人俱郡職官非流寓舊志但稱魯公子而不著其名考魯公二子頽碩其家廬陵史無明文明顏伯瑋爲魯公後及宋段蕢爲成式後又俱土著已

有傳見人物故此處從刪

王畿字汝中號龍溪山陰人受業於王守仁嘉靖丙戌既中會試
值當國者不說學既成進士不就廷試而歸居林下四十年嘗
與錢德洪兩遊青原會鄒守益羅洪先講明致良知之義學者
致德問業一時稱盛

府志

錢德洪字洪甫號緒山餘姚人王守仁平濠歸越德洪稟學焉夙
與吉水羅洪先泰和歐陽德以道義相切磋兩至吉安闢發良
知之學嘉靖戊申與王畿同赴青原復古會後九年再至窮鄉
邃谷田夫野老皆知此會之盛莫不敬業而安其教

同上

黃宏綱字正之號洛村雩都人舉正德丙子鄉試王守仁講學虔
臺宏綱歸自計偕往謁悟心理合一之旨十四年六月宸濠叛
守仁倉卒整旅宏綱左右行間凡張疑設間必與謀之嘉靖七

年戊子守仁卒於南安宏綱扶櫬至弋陽適王畿錢德洪迎喪
上嚴灘遂同歸越倣築塲義經紀其家甲辰授汀州府推官明
年入爲刑部主事以直道忤冢宰遂拂衣歸每歲放舟青原與
聶豹鄒守益羅洪先諸君子尋繹師學當時陽明之門有評曰
江有何黃浙有錢王謂宏綱與何廷仁也卒後配祀陽明祠著
有洛村集

嶺志

李僑崇字期厚雩都人以孝友聞博綜六籍築北郭草堂棲隱焉
號北郭野人聞同里何善山得王陽明之心傳執贄事之旣而
泛蕪陰溯金陵泝姑蘇千里齋糧遍質有道已復放舟鷺渚往
來青原石蓮間參訂同異鄒東廓雅重之人稱貞一先生

同上

余仁先江南延陵人遊宦廬陵愛其山川秀拔遂家焉性穎悟善
吟精草書尤善棋畫家貧好道遇異人授以秘書用其方屢醫

神養年九十餘鶴髮童顏舉步如飛一與客圍棋忽語曰吾將去矣一笑而別

余颺字廢臣莆田人崇禎丁丑進士知宣城縣識施閏章於初爲諸生時遇以國士厯官吏部考功郎中世變隱居游咏山水以詩自娛閏章分守湖西颺遊廬陵主青原講席寓淨居寺兼與高僧談宗典厯訪名勝多所題詠又嘗至汧林登快閣憩首山

作放生會記

愚山集
參府志

國朝

毛奇齡字大可浙江蕭山人康熙己未召試博學鴻詞授翰林院檢討學問淹洽議論縱橫宣城施閏章分守湖西延奇齡講學於白鷺洲書院與楚人楊洪才辨論諸經齟齬不屈成白鷺洲主客說詩一卷

徐緘字伯調山陰人工詩古文詞知名於時與施閏章友善閏章參議湖西緘來遊至廬陵寄跡青原山嘗至西昌與釋中干往

來爲作飯獄田記

府志參
愚山集

汪櫟字秋圃旅寓吉州選吉州詩爲詩衡寒夜孤燈朗吟蕭寺中至老不勸及歿邑人歐陽齊作募塋引

李紱字巨來臨川人康熙戊子以五經領解明年成進士改庶吉士歷官直隸總督以內閣學士致仕學術文章遠近推重歿歷中外凡數十年爲諸生時永新知縣張士琦延請爲秋山書院山長廬陵知縣劉廷瑛聞其名畱款衙齋衡量人才於青原白鷺間多所題詠有螺川詩草一卷皆客廬陵時所作也又嘗爲邑人撰劉公隄碑記

曾秀先字冰持新建人乾隆丙辰進士翰林院編修歷官禮部尙

書詩才清麗書名冠一時愛螺川山水明秀薄遊廬陵旅寓數月題書過游帷四字於萬壽宮自跋其尾聯句多其手書

彭元瑞字掌仍南昌人乾隆丁丑進士翰林院編修歷官工部尙書協辦大學士學問文章超絕流輩嘗主講於白鷺洲書院以經學督課諸生多所造就士人至今誦之

蔡家琬安徽合肥縣增生爲明蔡文毅公裔孫先世皆以詩名性曠達安貧守分詩酒自娛尤工古文辭生平私淑陶靖節因號陶門著詩稱陶門弟子集袁枚詩話採其詩呂士淑守吉州延校十屬試卷所拔多知名士厯主廬陵泰和永新各書院講席晚年寄寓郡城自營生壙於城西長安嶺名賢多有題咏卒年八十餘番禺張維屏題其墓上高李祖陶爲之傳修撰劉繹題

其集

新會

方伎

唐

白沙市書生二人不知其名姓吉州刺史張曜卿有僖名陶俊性謹直嘗從軍爲飛石所中致腰足疾恆扶杖行一日命守舟於廬陵江口至白沙市避雨酒肆有二書生過前獨顧俊呼與藥二丸曰服此卽愈俊歸舟吞之腹痛楚甚未幾疾遂痊操篙理纜益輕健後訪二書生不復見

府志參豫章書

劉守真善調風角揚州刺史楊行密遣將周本圍吉州與刺史彭玕戰於象牙潭玕敗走立寨新淦楓岡圍守真召至軍中每迎戰守真以術厭之敵不能破一夕劉死玕戰不利棄寨去

江南

史野

宋

飛接骨廬陵市民也以外科著名有張二大夫者故京師醫官退
居吉州術不甚高而牟利累數萬緡偶縱步後圃忽垣頽壓右
足踝折骨斷痛不堪忍亟招范治之范視其骨脛中歎曰凡人
上自頭下至足皆以髓爲主故能久長或有毀折苟精髓充溢
則可施板夾傷處方用外藥塗敷髓之輕重深淺刻日復舊今
大夫髓枯矣無復可接非吾所能及也卽舍去而張歿

夷堅
乙集

元

王平字東野廬陵人精方脈嘗注本草經治病能起沉痾當時知
名爲大醫院御醫虞集揭傒斯程鉅夫咸重之而尤厚趙孟頫
以本官致仕歸

郭榮壽廬陵人善風鑑又喜談地理吳澄嘗作序贈之謂相地相
人漢志并屬形法家後之人各專其一遂析爲二術若榮壽庶